

Ի Բ Բ Յ Ա Ռ Ա Ջ Ա Բ Ա Ն

«ՍՈՒՏԵՐՈՒ ԵՒ ԵՐԱՋՆԵՐՈՒ ՋՈՂ,
ԷՇ-ՆԱՀԱՏԱԿ ԵՂԱԾ ԱՋԳ ՄԸ՝
ՀԱՅԵՐԸ»

ՄԻ ԿԱՐԴԱՔ ԱՅՍ ԳԻՐՔԸ ԵԹԷ...

Յարգելի ընթերցող՝ պիտի խնդրեմք, որ ՉԿԱՐԴԱՔ
ԱՅՍ ԳԻՐՔԸ...

Եթէ, ձեր հոգւոյն մէջ, չունիք ցաւը Արեւմտեան
Հայաստանին, մեր Մեծ հայրենիքին կորուստին ցա-
ւը:

Որովհետեւ, մեր գրածները, ձեր սրտին ու մտքին
պիտի չխօսին:

ՄԻ ԿԱՐԴԱՔ ԱՅՍ ԳԻՐՔԸ...

Եթէ Դաշնակցութիւն կուսակցութեան կը պատկա-
նիք... Եթէ աղանդաւոր դեկավարներու լոզունգնե-
րուն և անոնց սուտ պատմութիւններուն կը հաւա-
տաք:

ՄԻ ԿԱՐԴԱՔ ԱՅՍ ԳԻՐՔԸ...

Եթէ Սիոնիզմ ըսուած հրէշին ճիւղաւորումներէն
մէկը եղող՝ Ֆարմասոնութեան կը պատկանիք:

Որովհետեւ սա կը նշանակէ, որ դուք ձեր հոգին ծա-
խած էք ձեր ժողովուրդը ցեղասպանութեան ենթար-
կածներուն, ձեր պատմական հայրենիքի գողութեան

մեղսակցածներուն: Կողմ էք ու հանդուրժող մարդկային
ու ազգային անիրաւութիւններուն: Ձեր հոգիին մէջ
հայկականութեան նշոյլ մ'անգամ չէ մնացած:

ՄԻ ԿԱՐԴԱՔ ԱՅՍ ԳԻՐՔԸ...

Եթէ եսասէր և ինքնահաւան մըն էք:

Որովհետեւ դուք, հայելիին մէջ ձեր տեսած «դէմք»ին
սիրահարած մըն էք: Եւ դուք՝ միայն ձեր անձը կը սիրէք ու
կը հաւնիք:

ՄԻ ԿԱՐԴԱՔ ԱՅՍ ԳԻՐՔԸ...

Եթէ փայլուն խօսքեր, երազային սնամէջ ու խաբուսիկ
պատմութիւնները կը սիրէք:

Որովհետեւ մեր գրութիւնները կարծր, տափակ ու ցա-
ւոտ իրականութիւններ են:

Այս գիրքը՝ Հայ մեծ Ազգը կործանումի մատնող կեղծ
ազգասէր հայ առաջնորդներուն դէմ՝ Անէծքագիր մըն է:

Այս գիրքը, հայ անարժան առաջնորդներուն կատարած
դաւաճանութիւններուն դէմ, ընդվզումի աղաղակ մըն է:

ՅՈՎՀԱՆՆԷՍ ՉԻԼԻՆԿԻՐԵԱՆ

[ՎՐԷԺ ՌՈՒԲԷՆԵԱՆ]